

Setuju vaksin dibuat di sekolah

Pangkalan data murid tersedia selain memudahkan ibu bapa

■ KAMARUL HALIM M KAMAL

BATU PAHAT

Kementerian Pendidikan menyokong cadangan Kementerian Kesihatan untuk suntikan vaksin dijalankan di peringkat sekolah dan dalam masa sama turut mencadangkan ia dilakukan di sekolah kerana lebih memudahkan ibu bapa mendapatkan insentif itu.

Menteri Pendidikan, Datuk Seri Mahdzir Khalid berkata, pihaknya setakat ini tiada masalah untuk memberikan kerjasama dan mencadangkan ia dilakukan ke atas murid tahun 4 dan 5.

Katanya, ada 7,000 sekolah rendah dan sekolah menengah di negara ini dengan data berkaitan setiap pelajar direkodkan dalam pangkalan data.

"Kita cadang ia dilakukan di sekolah dan saya percaya ibu bapa akan bersetuju dengan cadangan ini demi kebaikan anak mereka juga.

"Pihak Pejabat Pendidikan Daerah (PPD) sudah mempunyai data pelajar dan ia akan memudahkan saringan dilakukan seterusnya suntikan

“ Kita cadang ia dilakukan di sekolah dan saya percaya ibu bapa akan bersetuju dengan cadangan ini demi kebaikan anak mereka juga. Pihak Pejabat Pendidikan Daerah (PPD) sudah mempunyai data pelajar dan ia akan memudahkan saringan dilakukan seterusnya suntikan berkenaan dapat dijalankan.” - Mahdzir

berkenaan dapat dijalankan,” katanya pada sidang media selepas Program Bual Bicara Aidilfitri bersama wanga pendidik Batu Pahat, di Dewan Sultan Ibrahim, Universiti Tun Hussein Onn Malaysia (UTHM), semalam.

Dalam pada itu, ketika diminta mengulas cadangan bekas Mufti Wilayah Persekutuan, Datuk Wan Zahidi Wan Teh, berkaitan ancaman penggaran, pihaknya menyatakan perlunya ada nilai tambah dalam sesi Pendidikan Islam di sekolah bagi mengawal penulaman kefahaman yang tidak benar.

Katanya, ancaman seperti IS adalah serius dan boleh berlaku kepada sesiapa sahaja serta boleh berlaku di mana-mana sahaja.

"Maka kita perlu me-

ningkatkan kefahaman kita. Kita perlu tambah nilai sukatan pelajaran yang ada supaya kita dapat jelaskan apa sebenarnya bentuk ancaman itu, yang dihadapi penduduk seluruh dunia.

"Sukatan pelajaran pendidikan Islam sedia ada akan diteruskan dan akan diselitkan sesi penerangan mengenai pembinaan negara bangsa sekurang-kurangnya sekali sebulan kepada pelajar menengah atas," katanya.

Terdahulu, Wan Zahidi menyatakan masyarakat Islam di negara ini perlu diberi kefahaman menyeluruh mengenai tuntutan berjihad dan ketaatan terhadap pemerintah supaya tidak terpesong daripada konsep jihad mengikut ajaran Islam sebenar.



Mahdzir beramah mesra dengan guru-guru pada majlis di Dewan Sultan Ibrahim Universiti Tun Hussein Onn Malaysia, semalam. Foto: Bernama